

1

Կեանքի խօսքին մասին – որ սկիզբէն էր, որ մենք լսեցինք, որ մեր աշքերով տեսանք, որ դիտեցինք ու մեր ձեռքերը շօջափեցին. **2** (արդարեւ կեանքը յայտնուեցաւ, մենք տեսանք զայն, եւ կը վկայենք ու կը պատմենք ձեզի այդ յալիտենական կեանքին մասին, որ Հօրը քով էր եւ յայտնուեցաւ մեզի.) – **3** ինչ որ տեսանք ու լսեցինք՝ կը պատմենք ձեզի, որպէսզի դուք ալ հաղորդութիւն ունենաք մեզի հետ: Մեր հաղորդութիւնը Հօրը հետ է, եւ իր Որդիին՝ Յիսուս Քրիստոսի հետ: **4** Կը գրենք ձեզի այս բաները, որպէսզի ձեր ուրախութիւնը լման ըլլայ:

ԱՍՏՈՒԱԾ ԼՂՅՍ Է

5 Եւ սա՛ է այն պատգամը՝ որ լսեցինք իրմէ ու կը հաղորդենք ձեզի, թէ Աստուած լոյս է, եւ անոր մէջ բնաւ խաւար չկայ: **6** Եթէ ըսենք. «Մենք հաղորդութիւն ունինք անոր հետ», սակայն խաւարի մէջ ընթանանք, կը ստենք ու չենք կիրարկեր ճշմարտութիւնը: **7** Իսկ եթէ լոյսի մէջ ընթանանք, ինչպէս ան լոյսի մէջ է, հաղորդութիւն կ'ունենանք իրարու հետ, եւ անոր Որդիին՝ Յիսուս Քրիստոսի արիւնը կը մաքրէ մեզ ամէն մեղքէ: **8** Եթէ ըսենք. «Մենք մեղք մը չունինք», կը ՚խաքենք մենք մեզ, ու ճշմարտութիւն չկայ մեր մէջ: **9** **Իսկ** եթէ խոստովանինք մեր մեղքերը, ան հաւատարիմ եւ արդար է՝ ներելու մեր մեղքերը, ու մաքրելու մեզ ամէն անիրաւութենէ: **10** Եթէ ըսենք. «Մենք մեղանչած չենք», ստախոս՝ կը նկատենք” զայն, եւ անոր խօսքը մեր մէջ չէ:

ՔՐԻՍՏՈՍ ՄԵՐ ՕԳՆԱԿԱՆ Է

2

Որդեակնե՞րս, կը գրեմ ձեզի այս բաները՝ որպէսզի չմեղանչէք. իսկ եթէ մէկը մեղանչէ, Հօրը քով ունինք Բարեխօս մը՝ Յիսուս Քրիստոս արդարը: **2** Ա՛ն է մեր մեղքերուն քաւութիւնը. եւ ո՛չ միայն մեր, այլ նաև ամբողջ աշխարհի **մեղքերուն**:

3 Եթէ պահենք անոր պատուիրանները, ասո՞վ կը գիտնանք թէ կը ճանչնանք զայն: **4** Ո՞վ որ կ'ըսէ. «Ես կը ճանչնամ զայն», բայց չի պահեր անոր պատուիրանները, ստախոս է, եւ իր մէջ ճշմարտութիւն չկայ: **5** Բայց ո՞վ որ կը պահէ անոր խօսքը, Աստուծոյ սէրը ի՞րապէս կատարեալ է իր մէջ. ասո՞վ կը գիտնանք թէ անոր մէջ ենք: **6** Ո՞վ որ կ'ըսէ թէ կը բնակի անոր մէջ, պարտաւոր է ընթանալ այնպէս՝ ինչպէս ա՛ն ընթացաւ:

ՆՈՐ ՊԱՏՈՒԻՐԱՆԸ

7 **ա** Եղայրնե՞ր, կը գրեմ ձեզի ո՛չ թէ նոր պատուիրան մը, հապա հին պատուիրան մը՝ որ սկիզբէն ունէիք: Հին պատուիրանը այն խօսքն է՝ որ դուք սկիզբէն լսեցիք: **8** Դարձեալ՝ կը գրեմ ձեզի նոր պատուիրան մը, որ ճշմարիտ է անոր մէջ եւ ձեր մէջ. որովհետեւ խաւարը կ'անցնի ու ճշմարիտ լոյսը արդէն կը փայլի: **9** Ա՛ն որ կ'ըսէ թէ լոյսի մէջ է եւ

^ա Յուն.՝ մոլորեցնենք

^բ Յուն.՝ կ'ընենք

^շ Ոմանք՝ Սիրելինե՞ր

ՅՈՎԱՆԻՆԻ Ա. ԸՆԴՀԱՆՐԱԿԱՆ ՆԱՄԱԿԸ

Կ'ատէ իր Եղբայրը, տակալին խաւարի մէջ է: **10** Ա՛ն որ կը սիրէ իր Եղբայրը, կը բնակի լոյսի մէջ, ու գայթակղութիւն չկայ իր մէջ: **11** Բայց ա՛ն որ կ'ատէ իր Եղբայրը՝ խաւարի մէջ է, խաւարի մէջ կը քալէ եւ չի գիտեր թէ ո՛որ կ'երթայ, որովհետեւ խաւարը կուրցուցած է իր աշքերը:

12 Կը գրեմ ձեզի, որդեակնե՛ր, որովհետեւ ձեր մեղքերը ներուած են ձեզի՝ անոր անունին համար: **13** Կը գրեմ ձեզի, հայրե՛ր, որովհետեւ դուք ճանչցաք ա՛ն՝ որ սկիզբէն է: Կը գրեմ ձեզի, երիտասարդնե՛ր, որովհետեւ դուք յաղթեցիք Զարին: **14** Գրեցի ձեզի, զաւակնե՛ր, որովհետեւ դուք ճանչցաք Հայրը: Գրեցի ձեզի, հայրե՛ր, որովհետեւ դուք ճանչցաք ա՛ն՝ որ սկիզբէն է: Գրեցի ձեզի, երիտասարդնե՛ր, որովհետեւ դուք ուժեղ էք, եւ Աստուծոյ խօսքը կը բնակի ձեր մէջ, ու յաղթեցիք Զարին: **15** Մի՛ սիրէք աշխարհը, ո՛չ ալ ինչ որ աշխարհի մէջ է: **16** Եթէ մէկը կը սիրէ աշխարհը, Հօրը սէրը չկայ իր մէջ. որովհետեւ ամէն ինչ որ աշխարհի մէջ է՝ մարմինի ցանկութիւնը, աշքերու ցանկութիւնը եւ **այս** կեանքին բամբարտաւանութիւնը՝ Հօրմէն չէ, հապա **այս** աշխարհէն է: **17** Աշխարհն ալ կ'անցնի, անոր ցանկութիւնն ալ. բայց ա՛ն որ կը գործադրէ Աստուծոյ կամքը՝ կը մնայ յաւիտեան:

ՔՐԻՍՏՈՍԻ ԹՇՆԱՍԻՆ

18 Զաւակնե՛ր, վերջին ժամն է. եւ ինչպէս լսեցիք թէ՝ և նեռը պիտի գայ, արդէ՛ն շատ նեռեր կան. ատկէ կը գիտնանք թէ վերջին ժամն է: **19** Անոնք մեր մէջէն ելան, բայց մեզմէ չէին. որովհետեւ եթէ ըլլային մեզմէ, կը մնային մեզի հետ: Բայց **մեզմէ ելան**, որպէսզի բացայատուի թէ անոնք բոլորն **ալ** մեզմէ չէին: **20** Սակայն դուք օծութիւն ունիք Սուրբէն, ու գիտէք ամէն բան: **21** Չգրեցի ձեզի՝ որպէս թէ չէք գիտեր ճշմարտութիւնը, հապա՝ որովհետեւ գիտէք զայն, եւ քանի որ սուտը ճշմարտութենէն չէ: **22** Ո՞վ է ստախօսը, եթէ ոչ ա՛ն՝ որ կ'ուրանայ թէ Յիսուս՝ Թրիստոն'սն է. Նեռը ա՛ն է՝ որ կ'ուրանայ Հայրն ու Որդին: **23** Ո՞վ որ կ'ուրանայ Որդին, անիկա Հայրն ալ չունի. (**բայց** ա՛ն որ կը դաւանի Որդին, անիկա Հայրն ալ ունի:) **24** Ուրեմն ի՛նչ որ լսեցիք սկիզբէն՝ թող բնակի ձեր մէջ. եթէ ձեր մէջ բնակի ի՛նչ որ սկիզբէն լսեցիք, դուք ալ պիտի բնակիք Որդիին մէջ ու Հօրը մէջ: **25** Եւ սա՛ է այն խոստումը՝ որ ինք տուաւ ձեզի, այսինքն՝ յաւիտենական կեանքը: **26** Գրեցի ձեզի այս **բաները**՝ ձեզ մոլորեցնողներուն համար: **27** Այն օծութիւնը որ ստացաք իրմէ՝ կը բնակի ձեր մէջ. **ուստի** պէտք չկայ որ մէկը սորվեցնէ ձեզի: Իսկ քանի որ **այդ** նոյն օծութիւնը կը սորվեցնէ ձեզի ամէն բան, ու ճշմարիտ է եւ ո՛չ թէ սուտ, ի՛ր մէջ բնակեցէք՝ ի՛նչպէս ան սորվեցուց ձեզի:

28 Ուրեմն հիմա, որդեակնե՛ր, բնակեցէք իր մէջ, որպէսզի երբ ինք երեւնայ՝ համարձակութիւն ունենանք, ու չամշնանք իրմէ իր գալուստին ատենը: **29** Եթէ գիտէք թէ ինք արդար է, կ'ըմբռնէք թէ ո՞վ որ արդարութիւն կը գործէ՝ իրմէ ծնած է:

ԱՍՏՈՒԾՈՅ ՈՐԴԻՆԵՐԸ

3

Տեսէք թէ Հայրը ինչպիսի՛ սէր շնորհեց մեզի, որպէսզի մենք Աստուծոյ զաւակներ կոչուինք. ուստի աշխարհը չի ճանչնար մեզ, որովհետեւ չճանչցաւ զինք: **2** Միրելինե՛ր, հիմա մենք Աստուծոյ զաւակներն ենք, եւ տակալին բացայայտ չէ թէ ի՛նչ պիտի ըլլանք.

^բ **Յուն.**՝ պոռոտախօսութիւնը

^գ **Յուն.**՝ Հակաքրիստոսը

ՅՈՎԱՆԻՆԻ Ա. ԸՆԴՀԱՆՐԱԿԱՆ ՆԱՄԱԿԸ

բայց գիտենք թէ երբ ինք երեւնայ՝ իրեն պէս պիտի ըլլանք, որովհետեւ պիտի տեսնենք զինք՝ ինչպէս որ է:

3 Ո՞վ որ այս յոյսը ունի անոր վրայ, կը մաքրագործէ ինքզինք՝ ինչպէս ան մաքուր է: 4 Ո՞վ որ մեղք կը գործէ՝ կը գործէ նաև անօրէնութիւն, եւ բո՛ւ՛ մեղքը՝ անօրէնութիւնն է: 5 Եւ գիտէք թէ ան յայտնուեցաւ՝ որպէսզի քաւէ մեր մեղքերը. բայց անոր մէջ մեղք չկայ: 6 Ո՞վ որ կը բնակի անոր մէջ՝ չի մեղանչեր. ո՞վ որ մեղանչէ, տեսած չէ զայն ու ճանչցած չէ զայն: 7 Որդեակնե՛ր, ո՛չ մէկը թող մոլորեցնէ ձեզ. ո՞վ որ արդարութիւն կը գործէ՝ արդար է, ինչպէս ան արդար է: 8 Ո՞վ որ մեղք կը գործէ՝ Զարախոսէն է, որովհետեւ Զարախոսը կը մեղանչէ սկիզբէն ի վեր. Աստուծոյ Որդին յայտնուեցաւ՝ որպէսզի քանդէ Զարախոսին գործերը: 9 Ո՞վ որ Աստուծմէ ծնած է՝ մեղք չի գործեր, որովհետեւ անոր սերմը կը մնայ իր մէջ. ու չի կրնար մեղանչել, քանի որ Աստուծմէ ծնած է: 10 Ասո՛վ բացայայտ կ'ըլլան Աստուծոյ զաւակներն ու Զարախոսին զաւակները: Ո՞վ որ արդարութիւն չի գործեր՝ Աստուծմէ չէ, ո՛չ ալ ա՛ն՝ որ չի սիրեր իր եղբայրը:

ՍԻՐԵԼ ԶԻՐԱՐ

11 Արդարեւ սա՛ է այն պատգամը՝ որ դուք լսեցիք սկիզբէն, որ սիրենք գիրար: 12 Չըլլանք Կայէնի պէս, որ Զարէն էր ու մորթեց իր եղբայրը: Եւ ինչո՞ւ մորթեց զայն. քանի որ իր գործերը չար էին, իսկ իր եղբօր գործերը՝ արդար: 13 Մի՛ զարմանաք, եղբայրնե՛րս, եթէ աշխարհը ատէ ձեզ: 14 Մենք գիտենք թէ անցանք մահէն կեանքի, որովհետեւ կը սիրենք եղբայրները. ա՛ն որ չի սիրեր եղբայրը՝ կը բնակի մահուան մէջ: 15 Ո՞վ որ կ'ատէ իր եղբայրը՝ մարդասպան է, եւ գիտէք թէ ո՛չ մէկ մարդասպանի մէջ կը բնակի յալիտենական կեանքը: 16 Մենք գիտցանք Քրիստոսի սէրը, քանի որ ան ընծայեց իր անձը մեզի համար. մենք ալ պարտաւոր ենք ընծայել մեր անձը մեր եղբայրներուն համար: 17 Բայց եթէ մէկը՝ որ ունի այս աշխարհի ապրուստը, տեսնելով իր կարօտեալ եղբայրը՝ իր գութը գոցէ անկէ, ի՞նչպէս անոր մէջ Աստուծոյ սէրը բնակած կ'ըլլայ: 18 Որդեակնե՛րս, սիրենք ո՛չ թէ խօսքով ու լեզուով, հապա՝ գործով եւ ճշմարտութեամբ:

ՀԱՄԱՐՁԱԿՈՒԹԻՒՆ ԱՍՏՈՒԾՈՅ ԱՌՋԵՒ

19 Ասո՛վ կը գիտնանք թէ ճշմարտութենէն ենք, ու մեր սիրտերը կը վստահին անոր առջեւ երեւնալու. 20 որովհետեւ եթէ մեր սիրտը պարսաւէ մեզ, Աստուծած աւելի մեծ է քան մեր սիրտը եւ գիտէ ամէն բան: 21 Սիրելինե՛ր, եթէ մեր սիրտը չպարսաւէ մեզ, այն ատեն համարձակութիւն կ'ունենանք Աստուծոյ առջեւ, 22 եւ ի՞նչ որ խնդրենք՝ կը ստանանք անկէ, որովհետեւ կը պահենք անոր պատուիրանները, ու կ'ընենք անոր առջեւ հաճելի եղած բաները: 23 Սա՛ է անոր պատուիրանը, որ հաւատանք իր Որդիին՝ Յիսուս Քրիստոսի անունին, ու սիրենք զիրար՝ ինչպէս պատուիրեց մեզի: 24 Ո՞վ որ կը պահէ անոր պատուիրանները՝ կը բնակի անոր մէջ, ան ալ՝ իր մէջ. եւ ասո՛վ գիտենք թէ ան կը բնակի մեր մէջ, այսինքն այն Հոգիով՝ որ տուալ մեզի:

ՃԾՄԱՐՁՈՒԹԵԱՆ ՀՈԳԻՆ ԵՒ ՄՈԼՈՐՈՒԹԵԱՆ ՀՈԳԻՆ

4

Սիրելինե՛ր, մի՛ հաւատաք ամէն հոգիի, հապա քննեցէք հոգիները՝ թէ արդեօք Աստուծմէ՛ են. որովհետեւ շատ սուս մարգարէներ երեւան ելած են աշխարհի մէջ: 2 Սա՛պէս կը ճանչնաք Աստուծոյ Հոգին.՝ ամէն հոգի որ կը դաւանի թէ Յիսուս Քրիստոս մարմինով եկաւ, Աստուծմէ է. 3 իսկ ամէն հոգի որ չի դաւանիր թէ Յիսուս Քրիստոս

ՅՈՎԱՆԻՆԻ Ա. ԸՆԴՀԱՆՐԱԿԱՆ ՆԱՄԱԿԸ

մարմինով եկաւ, Աստուծմէ չէ. եւ այս է ՚ՆԵՐԻ հոգին, որուն մասին լսեցիք թէ պիտի գայ, ու արդէն աշխարհի մէջ է: 4 Դուք Աստուծմէ էք, որդեակնե՛ր, եւ յաղթեցիք անոնց. որովհետեւ ա՛ն որ ծեր մէջ է՝ աւելի մեծ է, քան ա՛ն՝ որ աշխարհի մէջ է: 5 Անոնք աշխարհէն են. ուստի կը խօսին աշխարհի մասին, եւ աշխարհը մտիկ կ'ընէ անոնց: 6 Իսկ մենք Աստուծմէ ենք. ա՛ն որ կը ճանչնայ Աստուած՝ մտիկ կ'ընէ մեզի, ա՛ն որ Աստուծմէ չէ՝ մտիկ չ'ըներ մեզի: Ասո՞վ կը գիտնանք ճշմարտութեան Հոգին ու մոլորութեան հոգին:

ԱՍՏՈՒԱԾ ՍԵՐ Է

7 Սիրելինե՛ր, սիրե՛նք զիրար, քանի որ սէրը Աստուծմէ է: Ո՞վ որ կը սիրէ՝ ծնած է Աստուծմէ ու կը ճանչնայ Աստուած: 8 Ա՛ն որ չի սիրեր՝ չի ճանչնար Աստուած, որովհետեւ Աստուած սէր է: 9 Աստուծոյ սէրը սա՛պէս բացայայտուեցաւ մեզի հանդէպ. Աստուած աշխարհ դրկեց իր միածին Որդին, որպէսզի ապրինք անոր միջոցով: 10 Սէրը ասո՞ր մէջ է. ո՛չ թէ մենք սիրեցինք Աստուած, հապա ա՛ն սիրեց մեզ եւ դրկեց իր Որդին՝ իբր քաւութիւն մեր մեղքերուն: 11 Սիրելինե՛ր, եթէ Աստուած ա՛յսպէս սիրեց մեզ, մենք ալ պարտաւոր ենք սիրել զիրար: 12 Ո՞չ մէկը երբեք տեսած է Աստուած: Եթէ սիրենք զիրար, Աստուած կը բնակի մեր մէջ ու անոր սէրը կատարեալ է: 13 Ան իր Հոգին տուաւ մեզի. ասո՞վ գիտենք թէ մենք կը բնակինք անոր մէջ, ան ալ՝ մեր մէջ: 14 Ու մենք տեսանք եւ կը վկայենք թէ Հայրը դրկեց իր Որդին իբր աշխարհի Փրկիչ: 15 Ո՞վ որ կը դաւանի թէ Յիսուս Աստուծոյ Որդին է, Աստուած կը բնակի անոր մէջ, ան ալ՝ Աստուծոյ մէջ: 16 Մենք գիտցանք Աստուծոյ մեզի հանդէպ ունեցած սէրը, ու հաւատացինք: Աստուած սէր է. ա՛ն որ կը բնակի սիրոյ մէջ՝ կը բնակի Աստուծոյ մէջ, եւ Աստուած՝ անոր մէջ: 17 Ինչպէս ի՞նք է, նոյնպէս մե՛նք ենք այս աշխարհի մէջ. ասո՞վ մեր սէրը կատարեալ է, որպէսզի համարձակութիւն ունենանք դատաստանին օրը: 18 Սիրոյ մէջ վախ չկայ, հապա կատարեալ սէրը կը վտարէ վախը. որովհետեւ վախը կ'ենթադրէ պատուհաս: Ուստի ո՞վ որ կը վախնայ՝ կատարեալ չէ սիրոյ մէջ: 19 Մենք կը սիրենք զայն, որովհետեւ նախ ա՛ն սիրեց մեզ: 20 Եթէ մէկը ըսէ. «Ես կը սիրեմ Աստուած», եւ ատէ իր եղբայրը, ստախոս է. որովհետեւ ա՛ն որ չի սիրեր իր եղբայրը՝ որ կը տեսնէ, ի՞նչպէս կրնայ սիրել Աստուած՝ որ չի տեսներ: 21 Եւ սա՝ պատուիրանը ունինք անկէ. «Ո՞վ որ կը սիրէ Աստուած, թող սիրէ նաեւ իր եղբայրը»:

ՄԵՐ ՅԱՂԹԱՆԱԿԸ ԱՇԽԱՐՁԻ ՎՐԱՅ

5

Ո՞վ որ կը հաւատայ թէ Յիսուս՝ Քրիստոնմ է, ծնած է Աստուծմէ. եւ ո՞վ որ կը սիրէ ծնողը՝ կը սիրէ նաեւ անկէ ծնածը: 2 Երբ սիրենք Աստուած ու պահենք անոր պատուիրանները, ատով կը գիտնանք թէ կը սիրենք Աստուծոյ զաւակները: 3 Քանի որ սա՛ է Աստուծոյ սէրը.՝ պահել անոր պատուիրանները: Իսկ անոր պատուիրանները ծանր չեն, 4 որովհետեւ ո՞վ որ Աստուծմէ ծնած է՝ կը յաղթէ աշխարհին. ՚մեր հաւատքն է որ կը յաղթէ աշխարհին”: 5 Ո՞վ կը յաղթէ աշխարհին, եթէ ոչ ա՛ն՝ որ կը հաւատայ թէ Յիսուս Աստուծոյ Որդին է:

ՎԿԱՅՈՒԹԻՒՆ ՅԻՍՈՒՍ ՔՐԻՍՏՈՍԻ ՄԱՍԻՆ

“ Յուն.՝ Հակաքրիստոսի

“ Յուն.՝ ահա՛ւասիկ յաղթանակը որ կը յաղթէ աշխարհին – մեր հաւատքը

ՅՈՎԱՆԻՆԻ Ա. ԸՆԴՀԱՆՐԱԿԱՆ ՆԱՄԱԿԸ

6 Ի՞նքն է՝ Յիսուս Քրիստոս՝ որ եկաւ ջուրով ու արիւնով. ո՛չ միայն ջուրով, հապա՝ ջուրով եւ արիւնով. ու Հոգին է որ կը վկայէ, որովհետեւ Հոգին ճշմարտութիւն է: **7** Արդարեւ երեք են՝ որ կը վկայեն բերկինքի մէջ.— Հայրը, Խօսքը եւ Սուրբ Հոգին, ու այս երեքը մէկ են: **8** Նաեւ երեք են՝ որ կը վկայեն երկրի վրայ”.— Հոգին, ջուրը եւ արիւնը, ու այս երեքը միաձայն են: **9** Եթէ կ'ընդունինք մարդոց վկայութիւնը, Աստուծոյ վկայութիւնը աւելի մեծ է. որովհետեւ այս է Աստուծոյ վկայութիւնը՝ որ տուաւ իր Որդիին մասին: **10** Ա՛ն որ կը հաւատայ Աստուծոյ Որդիին՝ իր մէջ ունի **այս** վկայութիւնը: Ա՛ն որ չի հաւատար Աստուծոյ՝ ստախօս “կը նկատէ” զայն, որովհետեւ չի հաւատար այն վկայութեան՝ որ Աստուած տուաւ իր Որդիին մասին: **11** Իսկ սա՝ է վկայութիւնը.— Աստուած տուաւ մեզի յականական կեանքը, եւ այս կեանքը անոր Որդիին մէջ է: **12** Ա՛ն որ ունի Որդին՝ ունի կեանքը. ա՛ն որ չունի Աստուծոյ Որդին՝ չունի կեանքը:

ՅԱԻԻՏԵՆԱԿԱՆ ԿԵԱՆՔԸ

13 Գրեցի այս բաները ծեզի՝ որ կը հաւատաք Աստուծոյ Որդիին անունին, որպէսզի գիտնաք թէ ունիք յականական կեանքը^a: **14** Այն համարձակութիւնը որ ունինք անոր քով՝ սա՝ է.— Եթէ որեւէ բան խնդրենք իր կամքին համաձայն, կը լսէ մեզ: **15** Ու եթէ գիտենք թէ կը լսէ մեզ՝ ի՞նչ որ ալ խնդրենք, գիտենք **նաեւ** թէ կ'ունենանք այն բաները՝ որ կը խնդրենք իրմէ:

16 Եթէ մէկը տեսնէ թէ իր եղբայրը կը գործէ մեղք մը՝ որ մահացու չէ, թող խնդրէ, եւ Աստուած կեանք պիտի տայ անոր, **այսինքն** անոնց՝ որ մահացու մեղք չեն գործեր: Մեղք կայ՝ որ մահացու է. չեմ ըսեր որ թախանձէ անոր համար: **17** Ամէն անիրաւութիւն մեղք է, բայց մեղք կայ՝ որ մահացու չէ:

18 Գիտենք թէ ո՛վ որ Աստուծմէ ծնած է՝ չի մեղանչեր: Ո՛վ որ Աստուծմէ ծնած է՝ կը պահէ ինքզինք, ու Զարը չի դպչիր իրեն: **19** Գիտենք թէ մենք Աստուծմէ ենք, իսկ ամբողջ աշխարհը Զարին մէջ զմիրճուած է: **20** Նաեւ գիտենք թէ Աստուծոյ Որդին եկաւ, եւ էուշիմութիւն տուաւ մեզի՝ որպէսզի ճանչնանք Ճշմարիտը: Ու մենք **այդ** Ճշմարիտին մէջ ենք, անոր Որդիին՝ Յիսուս Քրիստոսի մէջ. ի՞նքն է ճշմարիտ Աստուածը եւ յականական կեանքը: **21** Որդեակներ, զգուշացէք կուռքերէն:^b

^a Շատ հին ծեռագիրներ չունին

^b Յուն.՝ կ'ընէ

^c Ոմանք կ'աւելցնեն՝ եւ որպէսզի հաւատաք Աստուծոյ Որդիին անունին

^d Յուն.՝ խնդրանքները

^e Յուն.՝ դրուած

^f Յուն.՝ միտք

^g Ոմանք կ'աւելցնեն՝ Ամէն: